

zween Botten/ vnd so viel der selben nach gestalt der
Händel vonnöthen seyn werden/ die doch ehrbar/
geschickt vnd glaubhafftig seyn/ auch schreiben vnd
lesen können/ durch vnsern Hoff Richter vnd Hoff-
gerichts Assessorn jederzeit darzu auffgenommen/
versehen vnd bestellet werden sollen.

Vnd sol der Hoffgerichts Pedel zu zeit der Hoff-
gerichte vnd sonst so man im Rath ist/ vnd referiret,
vor der Rathstuben fleissig auffwarten/ nicht auß
vnd einlauffen/ sondern wo er etwas im Rath anzu-
sagen/ oder zu vberantworten/ an der Rathstuben
zuvor anklopffen.

Wann aber Gerichtliche Audientz gehalten wird/
sol er im Gerichte gegenwertig seyn/ die Producta
vnd Schrifften/ so die Procuratores in ihrer Ord-
nung einlegen/ vnverzüglich von ihnen empfangen/
vnd des Hoffgerichts Unterschreibern dieselbigen
behandigen vnd vberantworten/ vnd so die von ihme
vberschrieben/ als bald dem Gegentheil die seine zu-
stellen.

Die Ruffen/ so zu jeder zeit in dem Gerichte er-
kand/ sollen von stund an/ vnd in noch wärender
Au-